

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10 i 3/23), a u vezi sa članom 112. stav 1. Poslovnika Skupštine Zeničko-dobojskog kantona (“Službene novine Zeničko-dobojskog kantona”, broj: 5/24, 8/25, 18/25 i 8/26), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 134. sjednici, održanoj 26.06.2026. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline, broj 12-02-10546-2/26 od 12.06.2026.godine o Inicijativi Alije Ogrića, zastupnika u Skupštini Zeničko-dobojskog kantona za donošenje Zakona o izmjenama i dopuni Zakona o prostornom uređenju i građenju (“Službene novine Zeničko-dobojskog kantona”, broj 17/23 i 12/26).

II.

Zaključak sa Mišljenjem iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/26
Datum, 26.06.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,
1x Stručna služba Skupštine,
1x a/a.



Broj: 12-02-10546-2/26
Zenica, 12.06.2026. godine

ZENIČKO-DOBOJSKI KANTON
STRUČNA SLUŽBA VLADE
n/r Sekretar

**PREDMET: Mišljenje o Inicijativi Alije Ogrića, zastupnika
u Skupštini Zeničko-dobojskog kantona - dostavlja se -**

Stručna služba Vlade Zeničko-dobojskog kantona je aktom broj 02-1-02-10546-1/26 od 01.06.2026.godine, a u vezi sa aktom Stručne službe Skupštine Zeničko-dobojskog kantona broj 1-02-10546/26 od 25.05.2026.godine, dostavila Ministarstvu za prostorno uređenje, promet i komunikacije i zaštitu okoline Zeničko-dobojskog kantona Inicijativu Alije Ogrića, zastupnika u Skupštini Zeničko-dobojskog kantona, za donošenje Zakona o izmjenama i dopuni Zakona o prostornom uređenju i građenju ("Sl.novine Zeničko-dobojskog kantona", broj 17/23 i 12/26), odnosno za izmjenu člana 2. stav (27) tačka e), člana 76. stav (2), člana 81. (brisanje stava (1) i (2)) i brisanje člana 150., te dopunu člana 119. Zakona.

Na osnovu člana 112. stav (2) Poslovnika Skupštine Zeničko-dobojskog kantona ("Službene novine Zeničko-dobojskog kantona", broj 5/24, 8/25, 18/25 i 8/26) Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje sljedeće:

MIŠLJENJE

Ministarstvo za prostorno uređenje, promet i komunikacije i zaštitu okoline Zeničko-dobojskog kantona je stupanjem na snagu Zakona o prostornom uređenju i građenju („Službene novine Zeničko-dobojskog kantona“, broj 17/23 i broj 12/26), u daljem tekstu: Zakon, uočilo određene probleme u njegovoj primjeni kao i nejasnoće pojedinih odredaba Zakona.

Imajući u vidu navedeno, kao i pristigle zahtjeve za izmjene i dopune Zakona od strane Kantonalne uprave za inspeksijske poslove, pojedinih institucija, zastupnika u Skupštini, sudionika u građenju, kao i građana Zeničko-dobojskog kantona, mišljenja smo da je potrebno pokrenuti aktivnosti na pripremi i izradi izmjena i dopuna navedenog Zakona u narednom periodu.

S tim u vezi, ovo Ministarstvo je uputilo Obavijest nadležnim službama Gradova/Općina Kantona, kao i inspeksijskim organima uprave o planiranim aktivnostima na pripremi i izradi izmjena i dopuna važećeg Zakona, putem akta broj 12-02-11529/26 od 09.06.2026.godine, te u istom zatražilo prijedloge i sugestije za izmjene i dopune.

Shodno navedenom, podnesenu Inicijativu Alije Ogrića, zastupnika u Skupštini Zeničko-dobojskog kantona, za donošenje Zakona o izmjenama i dopuni Zakona o prostornom uređenju i građenju ("Sl.novine Zeničko-dobojskog kantona", broj 17/23 i 12/26) Ministarstvo će razmotriti u postupku pripreme i izrade Nacrta Zakona o izmjenama i dopunama Zakona, a nakon pristiglih prijedloga i sugestija traženih putem akta broj 12-02-11529/26 od 09.06.2026.godine, koji dostavljamo u prilogu ovog Mišljenja.

Naime, inicijativa zastupnika Alije Ogrića sadrži određena pitanja koja ukazuju na praktične probleme u primjeni Zakona, međutim predložena zakonska rješenja nisu dovoljno obrazložena niti usklađena sa osnovnim principima stvarnog prava, upravnog postupka i sistema prostornog uređenja. Zbog toga smatramo da se inicijativa ne može prihvatiti, uz mogućnost da se pojedina pitanja razmotre prilikom izrade budućih sistemskih izmjena i dopuna Zakona o prostornom uređenju i građenju.

S tim u vezi, napominjemo da aktivnosti na pripremi i izradi Zakona o izmjenama i dopunama Zakona o prostornom uređenju i građenju nisu planirane u Programu rada Ministarstva, Vlade i Skupštine Zeničko-dobojskog kantona za 2026.godinu, ali je Ministarstvo mišljenja da je u narednom periodu opravdano pokrenuti aktivnosti na pripremi i izradi Nacrta Zakona o izmjenama i dopunama Zakona o prostornom uređenju i građenju.

S poštovanjem,

Prilog:

- Akt Ministarstva broj 12-02-11529/26 od 09.06.2026.godine

Dostavljeno:

1 x Naslovu

1 x Stručna služba Skupštine - n/r Sekretar

1 x a/a

1 x OWIS

Akt pripremili:

Aida Sumbuljević

Amela Vukojević

Ishak Vehab

Akt pregledao:

Elmedin Bašić

MINISTAR
Adnan Šabani